



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-1/21-3-40-524-5/23
Datum: **24.01.2024.**

«Agencija za vodno područje rijeke Save» Sarajevo rješavajući po zahtjevu Investitora „EURODOM“ d.o.o. Vitez za donošenje rješenja o vodnoj dozvoli za ispuštanjem oborinskih, onečišćenih voda sa lokacije objekta benzinske crpke koja se nalazi u naselju Divijak, općina Vitez, na osnovu člana 109. stav 1. Zakona o vodama («Službene novine Federacije BiH, broj 70/06») i člana 200. Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola Investitoru „EURODOM“ d.o.o. Vitez, za ispuštanje oborinskih, onečišćenih voda sa lokacije objekta benzinske crpke koja se nalazi u naselju Divijak, općina Vitez, na zemljištu označenom kao k.č. broj: 2144/2, 2145 i 2146/2, K.O. Vitez, općina Vitez.
 2. Ova vodna dozvola se odnosi isključivo na ispuštanje oborinskih, onečišćenih voda sa lokacije objekta benzinske crpke, definirane točkom 1. Rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav 2. točka 1. i 2. Zakona o vodama («Službene novine Federacije BiH» broj 70/06).
 3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom i uvjetima iz ove vodne dozvole.
 - 3.2. Da korisnik predmetnog objekta, za vrijeme trajanja ove dozvole, osigura da se onečišćene vode sa prometnih, radnih i manipulativnih površina, nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim ovako tretirane vode, preko okna za monitoring, ispuštaju u lokalni vodotok.
 - 3.3. Da se skladištenje nafte i naftnih derivata vrši u dvoplašnim, podzemnim spremnicima kapaciteta 100 m³ (60+30+10).
 - 3.4. Objekte čija je svrha odvođenje i prečišćavanje onečišćenih voda (separator ulja i masti, slivnici i rešetke, kanalizaciona mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.5. Prečišćene oborinske vode moraju ostati u maksimalno dopuštenim granicama javne kanalizacije («Službene novine Federacije BiH», broj 26/20, 96/20 i 1/24).
 - 3.6. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
- Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti i izdvojenim naftnim derivatima .

- 3.7. Osigurati priručna sredstva za brzu intervenciju u slučaju nekontroliranog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.6. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
- 3.7. Da se, sukladno propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.8. Vršiti redovnu kontrolu međuplašnog prostora spremnika, njihovo čišćenje, kao i kontrolu rada.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, investitor odnosno korisnik „EURODOM“ d.o.o. Vitez je dužan provoditi sve mjere i aktivnosti propisane istom.
6. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godine od dana pravosnažnosti ovog rješenja.
11. Prije isteka važnosti ove dozvole Investitor „EURODOM“ d.o.o. Vitez, dužan je da zatraži izdavanje nove vodne dozvole.

Obrazloženje

Investitor „EURODOM“ d.o.o. Vitez, podnio je zahtjev za izdavanje vodne dozvole za ispuštanje oborinskih, onečišćenih voda sa lokacije objekta benzinske crpke koja se nalazi u naselju Divijak, općina Vitez, na zemljištu označenom kao k.č. broj: 2144/2, 2145 i 2146/2, K.O. Vitez, općina Vitez.

U provedenom postupku uz zahtjev za donošenje rješenja o vodnoj dozvoli, dostavljena je slijedeća dokumentacija:

- Ovjerena kopija Rješenja o registraciji broj: 051-0-RegZ-22-000166 izdanog dana 11.02.2022. godine od strane Općinskog suda u Travniku,
- Ovjerena kopija Uvjerenja o poreznoj registraciji izdanog dana 16.07.2020. godine od strane Porezne uprave-Kantonalni porezni ured Novi Travnik,

- Ovjereni kopija Uvjerjenja o registraciji/upisu u Jedinostveni registar obveznika neizravnih poreza broj: 04/5-1/IV-17-1-5684-8384/05 izdanog 12.11.2005. godine od strane Uprave za indirektno-neizravno oporezivanje Banja Luka,
- Punomoć zastupnika podnosioca zahtjeva na ime Mario Šarić od 29.11.2023. godine,
- Kopija Rješenja o vodnoj dozvoli broj: UP-I/25-3-40-407-9/17 izdanog dana 15.02.2021. godine od strane «Agencije za vodno područje rijeke Save» Sarajevo,
- Rješenje o dosudi br. 51 O Ip 154273 19 Ip od 13.07.2020., donesene od Općinskog suda u Travniku,
- Kopija potvrde o priključku na gradski vodovodni sistem broj: 01-2432-2/17 izdate dana 26.07.2017. godine od strane JKP «VITKOM» d.o.o. Vitez,
- Kopija Zemljišnoknjižnog izvataka broj: 051-0-NAR-17-002383 ZK uložak broj: 13 izdat dana 12.05.2017. godine od strane Zemljišnoknjižnog ureda – Općinski sud u Travniku,
- Kopija Rješenja o odobrenju za građenje broj: UPI 06-19-4-522/21 izdanog dana 04.06.2021. godine od strane Službe za imovinsko pravne poslove, katastar i urbanizam, Općina Vitez,
- Kopija Rješenja o vodnoj dozvoli broj: 06-21-860/21 izdanog dana 01.04.2021. godine od strane Ministarstvo poljoprivrede, vodoprivrede i šumarstva Srednjobosanskog kantona,
- Kopija Rješenja o odobrenju za upotrebu broj: UPI 06-19-5-656/21 izdanog dana 16.07.2021. godine od strane Službe za imovinsko pravne poslove, katastar i urbanizam, Općina Vitez,
- Ugovor o čišćenju separatora sklopljen s «DELTA PETROL» d.o.o. Kakanj,
- Kopija Izvještaja o monitoringu kvaliteta i kvantiteta otpadnih voda urađenih od strane «Inspekt-RGH» d.o.o Sarajevo broj: 625/23 iz 4/23,
- Dokaz o uplaćenju upravnoj i administrativnoj taksi,
- Dokaz o uplati po Zaključku o posebnim troškovima.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak poslovnog objekta i tom prilikom je sačinjen zapisnik o uviđaju broj: UP-1/21-3-524-4/23 od 06.01.2024. na kome je konstatirano sljedeće:

Objekt benzinske crpke EURODOM d.o.o. Vitez izgrađen u naselju Divjak u Vitezu sastoji se od uslužno-prodajnog objekta, nadstrešnice sa automatima za istakanje goriva, podzemnog spremnika za skladištenje goriva, parking prostora, separatora masti i ulja. Radne, prometne i manipulativne površine oko objekta su završno obrađene asfaltom odnosno betonom sa padovima prema slivnicima.

Za predmetni objekt je od strane Agencije, u ranijem postupku izdato Rješenje o vodnoj dozvoli broj: UP-I/25-3-40-407-5/17 dana 30.08.2017., na ime prethodnog vlasnika BUBA COMMERCE a nakon Rješenja o dosudi br. 51 O Ip 154273 19 Ip od 13.07.2020., donesene od Općinskog suda u Travniku ista je prodana Anđelku Šariću, vlasniku poduzeća EURODOM d.o.o Vitez nakon čega je izdana nova Vodna dozvola br. UP-I/25-3-40-407-9/17 od 15.02.2021..

Smještaj goriva se vrši u ukopanom dvoplašnom čeličnom spremniku zapremine 100(60+30+10)m³ (na uvid dat atest za ugrađeni rezervoar urađen od strane «METALINVEST» d.o.o. Jajce).

Vodoopskrba za sanitarne potrebe i hidrantsku mrežu osigurano je priključkom na gradski vodovodni sustavom kojim upravlja JKP «VITKOM» d.o.o. Vitez. Sanitarno-fekalne otpadne vode se prikupljaju zasebnim kanalizacijskim sustavom sa ispustom u septičku jamu koju čisti i održava nadležno JKP.

Za zahvat vode i ispuštanje sanitarno-fekalnih otpadnih voda predmetnog objekta od strane Ministarstva poljoprivrede, vodoprivrede i šumarstva Kantona Središnja Bosna izdata je vodna dozvola broj: 06-21-860/21 izdanog dana 01.04.2021..

Zauljene oborinske vode sa radnih, manipulativnih i prometnih površina platoa benzinske crpke se prikupljaju sistemom slivnika i podužnih slivnih rešetki te odvođe na tretman u separator ulja i masti proizvođača ISEA 1500. Krajnji ispušt prečišćenih voda je, preko okna za monitoring, u lokalni potok.

Čišćenje separatora se redovno vrši od strane «DELTA PETROL» d.o.o. Kakanj (na uvid predložen Ugovor).

Monitoring otpadnih voda se vrši redovno. Na uvid predloženi Izvještaji o monitoringu kvaliteta i kvantiteta otpadnih voda broj: broj: 625/23 iz 4/23 godine urađeni od strane «Inspekt-RGH» d.o.o. Sarajevo.

Ispitivani parametri zadovoljavaju sve parametre Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).. Objekt se ne nalazi u vodnom dobru kao i u vodozaštitnim zonama.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uvida izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa članom 116. stav (1), članom 117. Zakona o vodama i članom 13. Pravilnika o sadržaju, obliku, uvjetima načinu izdavanja i čuvanja vodnih akata.

Na osnovu provedenog postupka konstatira se da je podnosilac zahtjeva „EURODOM“ d.o.o. Vitez, ispunio minimum uvjeta za izdavanje vodne dozvole za ispuštanjem oborinskih, onečišćenih voda sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.grad.

Po ovlaštenju
Rukovodilac Sektora za izdavanje vodnih akata

Hariš Alisehović
Hariš Alisehović, dipl. ing.grad.

Dostaviti:

- „EURODOM“ d.o.o. Vitez, Stara Bila bb, Vitez
- AVP, ISV – Vodna knjiga
- Sektor 50.
- Sektor 40, arhiva
- Oglasna ploča-AVP Sava